

甌
北
詩
鈔



甌北詩鈔五言律一

陽湖 趙翼 雲崧

紅梅

等是冰霜骨偏看看色殊高人多倚醉
仙女亦施朱伴鶴迷丹頂先蘭試絳
跌天桃休便附終遜一分

五牧鎮為宋將尹玉戰死處

五牧塘邊路經過弔夕陽一軍忠義
鬼兩岸戰爭場地尚多遺鏃祠今有
奠觴當年運河水想見血如湯

苦雨

事有不如意韶華夢裏過一春晴日
少三月落花多空

擬乘吳榜誰能挽魯戈遙山亦含悶煙際蹙修蛾

遊陽山清水洞

獨山拔地起邱壑頗幽偏骨立通身石腰藏一眼泉離
家無十里結屋有三椽五岳茲遊始題詩紀成年
僧寮留一宿萬象沈寥中夜色高樓月秋聲落木風身
臨白雲迴心與碧天空安得辭塵鞅來營一畝宮

秦園

看竹何須主林扃曲折通人行山翠裏秋在水聲中邱
壑因天巧松杉有古風我無書可賣敢問爾家東

微山湖隄晚步

野色青於染春流滑似膏風塵千樹亞浪捲半湖高落
日明鴉背平莎沒豕豪翻因觸鄉思髣髴我東臯

客興

京國依人慣謀生倚提刀布衾寒似鐵名紙敝生毛燈
火蟲聲唧風霜馬骨高那禁鄉思切此日正持螯

曉行

野店餘殘柝荒郊已展輪曉星明似月古堠立疑人邨
暗猶無火風微未起塵擁衾三十里味續黑甜淳

出古北口

鎖鑰憑天險因山成壘成千盤蛇陣勢十萬馬蹄聲隘

比函關扼危如劍閣行時清無警備不用怯長征

南天門

峽束青冥上嚴扃構沈寥天惟通一線星可摘三霄路
鑿鉗椎苦峯排劍戟驕控臨戎索大拱衛

帝京遙狹僅容單騎驅難並兩鑣地形愁倒馬風力稱
盤雕險叶泥封谷危如棧架橋時清無戍壘巖近有僧
寮捲幔霏空翠炊厨拾斷樵鐘魚聞上界沉溼吸中宵
雲族漫爲海山支湧似潮平生登覽興我欲馭輪轔

木蘭

形勝輿袒壯盧龍左界偏芻蕘靈囿啓羽獵上林傳境

是無人處天留太古前風雲千嶂合霜雪九秋先花草

無名字川原絕火烟木蘭內無田廬孕孽蹄角富僂俟友羣連獸

簿書難盡魚麗陣可聯周法歸禁鑠既脫稱遊敗地紀

諸番獻本蒙古地康熙年間獻為圍場人供犬獮虔干三百騎集四十九旗

編塞上蒙古編四十九旗每歲出于三百騎士打圍屬國東西尉名王左右賢軍容分

隊肅殺氣合圍填較獲量山谷頽鮮論髀肩祭貆原古

典表貉寓兵權悉率兼戎索來同陋甫田黃圖仍近甸

紫邏接遐邊扈從叨榮遇慚無五柞篇

汪文端師歿已數月每欲一述哀情卒卒未暇也

輟直樞曹閒居無事甫得和淚漬墨以詩哭之

凡一千字

人物高千古師生近十年乘箕歸浩渺為位哭潺湲作
楫中朝望和羹內相權身尊河祗柱班侍樂鈞天密勿
叅 溫室謀猷布細旃嶽雲千里潤谷黍一陽旋
廟略絲綸渙朝章黼黻宣胸常涵霽月量莫測澄淵鎔
冶精金鍊廻翔吉羽翩廷推風度獨門絕黨援偏餘事
兼風雅斯文極討研別裁嚴偽體孤倡挈真詮領袖蓬
瀛上淵源漢魏前尊彝崇法物鐘櫛考宮縣清廟朱絃
淡明廷白壁園羣材趨匠石巨手斲輪扁納履慚初學
升堂揖大賢龍門倚杖履蛾術課丹鉛跡為依劉穩名

叨說項傳羽毛邀假借規矩得周還杜曲尙書塢蕭齋
弟子擅林亭規賭墅花木麗平泉鄴架籤論萬曹倉卷
累千霧函分宛委寶笈聚娜嬛砥室挑燈坐重簾下榻
眠一甌奇肯借三篋秘寧鍵貧服驚羅貝飢腸飮割鮮
聽遊烟海浩更指軌塗平北轍無紆軫南針有捷阡鼓
中棲鵠矢視後牧羊鞭檄命陳琳草文憑任昉編每教
頻易稿代擬未完篇結搆排文陣淋漓彷彿筆椽一裘狐
腋集九曲蟻珠穿窗紙呼蠅出車輪睹蝨懸弗辭三折
臂索解九方甄點有成金鐵拋真引玉甌不調還解瑟
得意並忘筌癢處鳥搔快癢痕懶補痊乙鴻精鑒別五

雀定衡銓相賞頻，攜酒從游或扣舷。
門庭高座獨絲竹，後堂專仕版登初。
地樞曹忝備員，喜供文字職仍侍斗。
台躔插羽宵催牘，濡毫曉奏箋。詔麻頒魏闕，軍檄定
先零。事集中書省，才慚上水船。漏沉鈴動索，燭灺炬分
蓮。鞋底遭非辱，詞頭改愈妍。斧邀修月快，斤到運風遄。
清蹕車同扈，黃沙帳更聯。山深秋落葉，夜永月臨邊。
旅跡隨征騎，鄉風話叱犍。銚炊塵滿甌，野宿幕支椽。
矮几東西列，行牀上下連。癯常餐互勸，病或藥親煎。
吟撚枯髭禿，書呵凍手攣。影形同鉅壑，踪跡比夔岷。
賓主家人謹，門牆宿世緣。百年人草草，一別淚濺濺。
梁木俄傾折

刀圭漫祝延

至尊親哭臨諸老各悲牽
美諡榮褒哀崇祠肅饗邊
尙方營斂具丙帑治喪錢
國有良臣誅門淒坐客筵
升榮魂豈復負土手甘胼
子立身如贅單行步每遭
疲牛仍輓磨孤鴈忽驚弦
鎖院簪臺地周廬待漏屋
豈曾潘髻老共謂旭書顛
輟直歸西掖投閒類左遷
雀羅貧宦味蠹簡腐儒拳
仰屋重探學扁門自省慙
叢編勤獺祭殘卷剔蝸涎
獲落官雖退摩挲腹尙便
書成楊子誦調絕伯牙絃
慧業空期佛凡胎孰識仙
贗珍乾鼠璞魔噪野狐禪
虛燄方熏灼遙源肯泝沿
蒙頭聊瑟縮貴耳任轟

闕彌憶援垂手頻傷金及肩敬容殘客感宋玉大招虔
老輩真難得餘生益自憐重來尋步履回憶荷陶甄人
寂廉公市莊荒陸氏田門庭涼似冰履舄散如烟琴忍
雍門鼓碑難峴首鐫身原飛退鷓情比噪寒蟬無復聆
揮塵空思効昇籟師資今已矣宦迹益孱焉歎逝情彌
切酬知願枉堅惟憑修綆汲還炷瓣香燃文苑芟榛莽
書城築澗瀝表彰餘論播纘述緒言綿壇坫爲標幟江
河助障用浮談除稷下絕學溯河先後死文終托先生
道未捐遙遙十載事天咫證空元

君古學多得力於文端感恩
知已故不覺真切詳贖救

愍忠寺石壇相傳唐太宗征高麗回瘞戰骨處

古寺重簷閣平臺五尺墩征東功已渺恤下蹟猶存貞
視方開國高麗失奉藩六師爰出塞萬乘自攻垣斬獲
軍雖振傷亡士亦繁歸途收葬慘御筆祭文尊不凜佳
兵戒徒矜掩骼恩一區閉作塹萬骨聚爲屯豈乏功臣
狗彘多君子猿忠皆兵死鬼哀到國殤魂碎或如蛇蛻
殘猶帶犢禪生無半而識死比並頭婚畚鍤填泥築蘖
裡帶雨掀結蒲工不暇裹革例難援聊免飢烏啄差無
餓虎蹲首邱終未遂京觀詎同論想見繡經座會招剪
紙幡歸隨遼鶴跡啼有蜀鶻痕陰陣空中嘯靈旗夜半
翻血風臨穴臭燐火滿壇昏邱貉屍難認沙蟲命總冤

異鄉悲瘞旅故國羨歸无幸托空王近能拯新鬼煩叩
鐘開魘夢施食慰饑殮喚醒沉冥路來皈清淨問枯骸
滋法雨厲氣散朝暎事往今千載詩成紀片言由來戰
爭地枉死徧郊原

工力完足無一懈筆保泰

飲倪敬堂少僕寓齋次韻

仗有通宵飲能消急景馳酒監三約法鬪戲七稽疑燭
影翻燈海甌香淬茗旗醉歸應犯夜已是曉鐘遲
古來名利路行者盡如馳作婦公孫衍爲卿子叔疑酒
兵君拓戟詞壘我拏旗一笑皆迂客生天未免遲

官暇無公事交親有北鄰
荒園三畝地明月兩間人
語味清談雋詩情白戰真
誰知人海裏得此豁襟塵

哭汪幼泉民部

不謂吾師後驚傳察嗣
殂門庭望弓冶名字是醜
副官未施行馬人猶愛
及烏盛衰何限感膾有淚
痕枯

再出古北口

紫塞秋風緊凌寒踏曉
霜潦餘沙盡白關外柳
先黃飲馬長城窟呼鷹
古戰場平生登覽興敢
惜髣毛蒼

氣格

扈從途次雜咏

帳房

陸居邛有屋布幕羃荒陸地恰規方丈天惟隔一層常
分茅店月敢擬幔亭燈風雪聊堪蔽求安本未會

風旗

帳房所在又立
旗以為識

危竿旗色別即此是心旌不畫龍蛇動偏分赤白明遙
知戎帳在略似酒帘輕人馬皆能識於斯悟用兵

土竈

掘地
為竈

莫笑塵生甑由來掘地炊柴燔無老婦蓐食似潛師詎
仿風爐製聊存土銚規行圃非禦敵不用減增為

晃燈

夜則懸燈於
字亦以識

懸燈形製異識別為宵行陸地成星海荒原

圓無混雜三兩各分明
訝許冰霜夜何來萬點
螢

矮桌

高惟憑寸木方豈僅三隅
攤卷宜卑論摸稜敢短踰
當

筵趺坐價隱几鞠躬劬
或作齊眉案侏儒所必需

馬繩繫大短於竿所以拴馬

曠野無閑廐長短繫短桅
似將綿蕞禮欲範跡地才也

比金羈絡非銜鐵騎枚
繫維終雅意為恐遠颺開

短褂

短後衣原古戎裝稱服駢
十圍腰欲露半臂手難函
古

臂之製藝袂雙非隻
明衣一可三
襖袂短右袂此則兩袂皆短明
焦

僥如著此或尙覺麤麤

戰裙

縛處藏紈袴披來露繡襦何須白練製略竝錦鞵長衣
反居裳內男偏作女裝裙腰青草色相映道途旁

割草

本關中遍地皆草既估地即割其草以秣馬

行雍聊除地兼堪秣我駒不攜三品料但束一生芻

木蘭

草最肥飼馬不用豆詎刻陳根盡愁逢野燒枯倦來思小憇還作綠

茵鋪

打柴

木蘭中各山木為新無絲不剝

糧有牛車載新寧馬矢燒材原多棧樸園不禁芻蕘劇

趙摧枯勢擔乘射的颺日斜方待爨莫作爛柯樵

唧嘍喊

請喊叫者營中禁此甚嚴軍卒巡邏

肅肅鈞陳靜司豎按路稽跡如尋響卜威可怖鬼啼日落惟鷓噪風清或馬嘶無諱見軍令萬帳出聲低

買賣街

賈人隨營設街貿易

負擔來成市熙熙為利忙塵疑夫布製

列布帳為市塵

貨取子錢

價也似趙墟鬧居然列肆長見珍因物罕敢怨價增昂

又太蘭欠則物益少而價益昂

棒椎峯

在熱河平岡上突立一峯如椎俗稱棒椎峯

峯頭驚子立石筍忽然生似金莖狀殊慚玉杵名空

中禪捧盂月下搗衣聲遠壯行都色孤標接太清

達巴罕

蒙古語謂高嶺也

蜀道難真見青天一線通人行飛鳥上馬踏亂雲中一

落愁千丈三休到半空更憂輜重阻露宿滿山風

每過嶺輜重難

行或遲或日始追及

關中戲咏藍筆

未解題紅葉常教蘸碧甌墨朱俱不近皂白總能酬蠟

不汚入壁螺寧糞佛頭山來管城子封邑在青州

架少珊瑚製牀宜翡翠鏘幾行分漢幟數點散齊烟禿

到三恪闕閣成萬選能來奎清闕處直作蔚藍天

里中杭生泖潮先友杭雲龍之子其兄廷宣又余
五友中之一也父兄皆歿來京相依詢知先友
黃季游楊新友及潘本仁諸老人相繼物故感
賦二首

賦二首

父兄皆棄世于里一家拋年僅逾髫鬣貧思覓斗筭世
無朱郭俠我忝紀羣交相對性滋愧無能代治庖
桑梓懷耆舊頻年感逝波昔遊如夢短新鬼比人多
僅聞鄉里身皆老輒軻柳州先友記石表待鐫磨
錢茶山司寇以大集見示捧誦之餘敬題於後
已擅巍科最兼期不朽垂王瞻碁射酒鄭老畫書詩身

本有仙骨學仍無斷時始知名世者未易淺人窺

欲識通懷處談深引濁醪人如東晉達才有大蘇豪儔

体別裁盡真靈位業高幸叨鄉後進請益敢辭勞

贈吳鑑南民部

癡絕吳民部詩才迥不羣官貧常數米客到便論文

舅何無忌君為商為郎揚子雲實意切沉冥寧用歎佳句已流

觀家人醃菜戲成四十韻

物產推安肅秋成慶阜豐劬來樊圃畔輦集藁街東民

幸無茲色儒原稱此風灌憐園叟苦賣厭市牙訂碧葉

經霜綻嬌芽帶雨荒略同三非品不雜五葷叢細異辛

堪薦肥看甲不衷蕉心包宛轉藕腕研玲瓏瑩白光凝
外含黃美在中沈隨銀指滑截愛玉肪融拘嫩先冬筍
嘗新竝晚菘飴鹽同日貴塵旣一時雄賈處爭求益挑
來各禦窮春盤猶未設地窖或還烘剝似層層籜堆疑
寸寸葱酒餘西爽送饌底下陳充入粥成羹沸爲齏用
火攻芼時薑桂糝醉後麴糟蒙生熟俱宜口清腴詎鼓
嚨儘多回美味兼有解醒功菘漫龜絲綠葵輸鴨脚紅
茹蔬貧宦慣蓄旨內人工食肉曾嫌鄙飢腸故久空珍
藏登瓦缶賤價倒筠籠嚼養屠門快烹矜鼎養隆煮分
煨芋火切傍點菹筍入腹隨藜藿呼山兔鞠翦餘甘施

婢獲均惠到兒童尙愧遺羹遠聊矜宰肉公祭修尼父
豆齋比太常宮才本胡蘆樣餐勝首藉叢恰宜蔬食澹
何取簋殮饜名敢元脩獨貧甘庾杲同侯鯖羞挾瑟官
鮓陋郵筒自愛枯僧味還慚老圃躬咬根心故淡送把
意彌崇鄉思懷櫻筍生涯感梗蓬歸猶慳杞菊嗜敢望
魚熊已免黃精勵兼資白粲龔俯看盆盎滿吾亦富家
翁

三月十三日程戴園舍人招同錢籜石辛楣兩學

士曹來殷編修手迹菴北部吳白華庶常陸耳

山家璞函舍人各攜壺榼陶然亭爲展上巳會

分賦

淺水蘆芽嫩
平隄柳色新
城中如野外
酒客盡詩人
會
尚名修禊遲
兼當送春還
期消暑飲重
此滌襟塵

題吟薌鏡影小照

白毫光滿月
不是結脚人
才擅詩書壽
心叅形影神
寧
同化身幻恰
與故吾親
想見澄觀處
匡廬面目真

賦得紅葉當階翻

甲戌試中書
題得隸字

薇省韶華麗
名葩燦玉除
地當承露處
花是殿春餘
映
日敷紅艷
因風動綺疏
影搖青瑣闥
光映紫泥書
非謔
偏如贈將離
若故徐過
輒陰不定
傳粉畫難如
清切仙

墀內舒長晝漏初一綸扉方視草恰對五花舒

賦得賢不家食

辛巳會試題得
同字五言八韻

聖治光昭日英賢奮跡同館餐方異數家食詎高風自
有千鍾粟寧棲一畝宮指困辭里友抱甕謝園翁鱸拜
蓬池上羹和寶鼎中酌泉逾表潔宰肉故能公簠簋惟
加筋廛困豈愧豐願常懷澹泊仰報國恩隆

五月斯螽動股

蕤賓迴緹籥翹肖起螽斯未振詵詵羽先看趨趨姿動
無肱折慮響出足音奇錯訝鳴雙翼從知暢四肢詎矜
超距勇似演踏歌詞健不當車轍輕難立鈞絲化叅魚

躍其技豈驚趨隨

聖德微揚詡羣生以息吹

竹箭有筠

壬午考試差
題得書字

翠篠榮嘉植蒼筠竟體舒文堪彭外美心本蘊中虛新
雨抽萌後清風解籜初光分水蒼玉功在汗青書麗到
凝斑處嬌含帶粉餘詩筒鑄易就墨筆畫難如白覺菁
英煥何嫌節目疎猗猗堪咏德

睿賞寄林筵

月中桂樹

壬午順天鄉
試題得香字

月殿森嘉植敷榮玉宇涼淨根寧著土老榦久經霜不

識何人種常留太古香花真能四照譜不入羣芳場木
應輸秀星榆敢較長味增丹杵藥艷映素娥妝信誠干
霄迴應多浥露灑藥珠 宮闕朗攀折許吳剛

春蠶作繭

節屈條柔過春蠶上簇肥錦心真欲嘔笥腹詎愁餓一
縷輕抽緒千層密作圍有綿非霧縠無縫亦天衣道協
藏身固功成化羽飛文章五雜組經緯七襄機珠網懸
何益鮫綃購亦稀

聖仁宏衣被挾纈萬方依

試帖中有此神化之句

德車結旌

行旌昭物采表德異戎車豈之旒堪綴匪伊帶有餘鈞
衡轅共曲如組轡同紆蘊結心能繪飛揚氣已除不鳴
風獵獵恰映日徐徐略似垂纜屈寧同析羽舒洵覘文
治英想思武成初以樂堪爲御和鸞仰翠輿

題程尺木上舍夢雲圖

非想非非想處是誰引入吟魂正逢洛浦拾翠忽踏
舟到門一幅唐人小說九分莊子寓言人生若非夢境
安得副此情根

仙游也復多恐好境原難久棲欲到還防風引再來兼
怕路迷涼人秋在天末催客月落花西始悟癡萍逐水

不如禪絮沾泥

亦天未雨春風入

世道世身多恣欲

文書固此難財

姪廷賢校字

既陸門一語風人小

猶此為珠于寓言人

生苦非真

白英懸

風簾窸

澗棘共

行致

陸北詩鈔五言律二

陽湖 趙翼 雲松

常山道中

昔路依山闢參差柳影疎川原分楚越水陸縮舟車於
店房分鴿擔夫跡貫魚近南時令早三月已耕畚

樟樹鎮為王文成誓師地

潘郎猝稱亂文臣此誓師倉皇臨大變智勇出良知烏
合乘城日狐疑返旆時從容樵舍縛儒者事原奇

鎮安土風

宦轍經年到郵籤萬里修地當中國盡與安南接壤官改土司

流明時土府岑姓峻坂愁雲橫路從蓮花九帶孤城彷彿月鈞城惟東南西三

西北則近邊多候吏按部半番酋所屬有四土司密箐千尋木寒泉

日丈湫泉自鑿監山穴四時無落葉一雨或披裘瘴要澆胸

魂中瘴則胸妖會紀肉毬想府衙有肉毬肉脚深宵蠶蠱放白

畫虎俚遊魑客從人雇狙公作盜偷蠻方天混沌猺語

鳥鈎軛儂姓還豪族韋家說故侯地多儂韋二姓儂則智高之後

以扎南越王其子孫散居蠻土去鞞點脣積汁染約臂釧紋鈹跳月韋則相傳淮陰侯少子蕭何國

墟爭趁娶春俗善謳儷皮齊贅易握算賈胡留粵東賈以著

郵婦無弓足山農總帕頭性愚供使鹿見小重多牛籬多娶婦妾

壁穿多穴貧民編槿作牆塗以欄房隔作樓欄房上層人所燒畚灰居下層草馬

和土接水木剝溝斲采藍盈劑

民皆采藍自染無染匠也

禾收穗滿篝

穧

成把不刈棄枯

箸包鹽有滴菹窳菜成油

以諸菜及牛羊骨實篝中久則爛成汁謂之窳菜酸臭特甚土人以為

大肉多於豕

墟場賣犬以千百計

檀薪賤似櫛

山木供費盡紫檀不貴也

鷓鴣羹味

薦蛤蚧藥材收糴膽從蹄剔

石羊膽以在蹄心者為貴石羊即糴也

豬豪激矢抽

野豬豪似錐能射人百步外

山羊因血捕水獺為皮搜石斛花論價

出奉議

枕

椰麪可渡

出雷

竹根人面活

向武有竹其根似人面

藤杖女腰柔

大箬中多萬年藤可

以斧杖

物產真驚見民情易給求挂魚官閣肅羅雀訟庭幽

閒倚半山閣

署中獨秀山半有亭可以眺遠

時乘獨木舟虞衡稽桂海草木

訂春秋詩已傳邕管官非謫柳州勉修循吏績撫字輯

遐陬

國才言金
楚雄守秦岵齋留飲卽贈

長安稀會面相見百蠻中人地推秦望江山得楚雄籌
邊論兵略爲吏守儒風使我忘羈旅深談刻燭紅

遮放

蒼莽西南路軍行此駐驂妖星天狗落毒蠱夜蠶飛五
色有浮瘴四山如合圍功名須絕域敢憶釣魚磯

干溝

地阨多蒸鬱催鞭趁嚮景瘴氛頭痛國瘠俗頸粗人霧
濕常疑雨泉溫不待薪尤防香氣過閉思伏黃塵

橫州大灘謁伏波將軍廟

功名非水戰。祠祭乃江濱。直以將軍號。長爲水府神。
蠻方銅柱界。漢戶馬流人。何必雲臺像。千秋廟貌新。
我來祠下過。江水正蒼茫。石齒千堆雲。灘心百沸湯。
揚鞍餘矍鑠。衰革想飛揚。彷彿英靈氣。洪濤共激昂。

鑿隘塘驛舍小憩

偶然留駐馬。地僻愜幽尋。古木翠圍屋。夕陽紅滿林。
山雲沒骨。澗水不絃。琴顛覺忘塵。鞅悠然生道心。

嶺漢卡檄安南官勘地

中外咻遠處。居民起細爭。壁先曾假許。田豈得歸功。
一筆鴻溝畫。千秋馬角生。番官虔奉約。誓守載書盟。

國計宜柔遠邊臣重守疆古來憂厝火多起釁爭桑虎
落新分界祇籓謹立防銷萌無跡處庶以固金湯

平江道中

放棹滄江穩春隄草色新山生多似蝨沙鷺立如人湖
海各何有烟波意自親中流澹容與暫此豁襟塵

接同年黃宰望書知其以嗜疾去官來主韶州講

席賦答

省垣風雅最何事去官歸畫筆崔青蚓詩名杜紫薇嗜
非河渚疾和本郢人稀守默原前訓塵兜省是非

山水韶陽好門生共昇籃傳經多筆授對客有碁談詩

豈哈方就禪原默可參無言桃李樹已遍嶺梅南

一語字空切暗疾雋妙乃爾水

祭南海廟禮成二十韻

秩祀南溟重時維月孟冬抄香襟粵會廣利紀唐封地

在九州盡王為百谷宗周廊簷四角復殿陛三重環楯

威嚴勢垂旒肅穆容介鱗森拱衛禕翟配印顛王夫人亦有像員

員穹碑壯波羅古樹穠玉書無跡考銅鼓有聲春吳萊古蹟記廟

有玉簡今不可考惟林竊所獻銅鼓尚存是夕宵氛淨中天月色濃蕭薈升鶴燄炬

火似鰲峯濤戢冰夷怒風收颶母凶星河垂角綵劍佩

集琤瑤峴節悠揚動金支颯沓從羣靈朝貝闕萬派滙

珠溲腥氣蜿蜒隊陰光彷彿蹤工歌翔鶴鵠人立舞魚
龍宴娛神應喜歆居禮益恭不揚古浪靜善下豈堤衝
水線安估咨潮田阜澤農永昭清晏德於廓助時雍

莊重稱題 枚

題陳望之太守長林遠望圖

寂歷長林下惟應靜者論中州詩派嫡前代黨人孫陳定

孫徙居商邱

柳暗湖脣影苔深殿齒痕超然吟眺意唏髮向朝

職

夙州候代同沈秀才鳳翥吳畫士雲遊羅浮

得暇羅浮去扁舟發夜分月華涼在水山影澹於雲詩

思遙相入秋聲寂不聞出門纔數里已覺豁塵氛

努灘

疊疊危磯矗江心截急渦千尋鍊交鎖十萬劍橫磨
篙迎濤頭刺舟穿石罅過灘名應記取努力慎風波

苗人

侏儻言不辨椎魯意偏真混沌猶無竅猿狂略似人
千針縫衲細百褶製裙新莫笑鬼方陋淳如懷葛民

水城

百里蠶叢盡孤城帶碧川地偏無古蹟山豁見平田
莊叟無何境仇池小有天如何此佳處拋落獫人邊

再遊葡萄泉作

噴碧泉成串疑通海眼生我慚臨水照他是在山清未
可龍珠挂偏宜馬乳名挑來試新釀會及臘醅傾

江行

風細江行緩中流日暮時遠帆如不動寒月故相隨巴
水來三折湘雲望九疑從來騷客地遺跡令人思

曉過儀真

九日江干住今辭燕子磯浪隨殘雨盡船趨退潮歸孤
月寒相照閒雲澹不飛到家堪計日猶及試春衣

送馬沅亭歸里兼寄邵耐亭煖里口費澗數處

萬里相隨久歸仍共一艇詩多成筍束人瘦似梅花客
蒼慚爲主途長喜到家憑君先寄語一問邵平瓜

溱灣曉發

郭許喧開擢冥濛一望中江雲殘夜黑海日五更紅巢
鷓驚棲戛潮雞喚舞雄當年曾擊楫慚愧漸成翁

傑句突過盛唐誰謂雲崧不講格律也收

五日郡城觀競渡

蒲酒觴初泛榴花火欲燃歲華當夏五戲事到秋千珠
翠中流舫笙歌徹夜筵歸田吾過分正及屢豐年

聞王協和總戎之訃

裹革原初志驚聞折將旗虎飛曾食肉豹死亦留皮殺賊鬣應磔臨戎甲不披可憐分手日本不問歸期

舟夜

寒戀重衾卧舟行何處溪孤燈殘夢蝶落月滿村雞作客將衰矣懷人正渺兮櫓聲將斷處已到草堂西

戲咏老少年

自是寒能健休咄老尙童雞皮三少候鶴頂百年功晚

照散餘綺衰顏發醉紅

蘇詩兒童語朱顏在一笑那知是醉紅

西風黃葉裏暗慰

白頭翁

再題小倉山房集

只擬才華艷誰知鍛鍊深殺人無寸鐵惜墨抵兼金古
鬼忽聞泣飛猿不可擒挑燈重相對何許妙明心

汪時齋民部奉太夫人喪歸里道經常州相見道

故兼以文端師遺集囑余編訂付梓卽事感懷

泫然有作

十載驚相見停舟古驛旁麻衣俱似雪蓬髯各成霜曉

闈尚書履宵燈弟子牀前塵重撥觸洒淚滿河梁

屈指論交舊真逾骨肉情十年同筆研兩世互師生余鄉

文端公門詩齋兄弟又從余受業

書館依劉跡詩壇說項名重逢歐叔弼能

不話深更

述菴到常適袁子才亦至遂并招蓉龕臧齋魯斯

讌集寓齋卽事

邂逅名流集朋簪此會奇我當師北面客似醺南皮扶
醉花頭下聯吟燭跋時聽談軍府罷騷壘又張旗

好句欲仙保泰

丹陽道中

曉發丹陽郭春波綠上篙河分江溜急岸似峽門高

路新舒柳

君恩舊賜袍迎鑿何敢後廿載俸錢叨

程晴嵐太史招飲荻庄卽事

小築堪尋勝，湖千第幾灣。
是村仍近郭，有水可無山。
疎密花千樹，廻環屋數間。
主人頭半白，養靜作禪關。

破寺

楚楚鐘魚院，何年遂式微。
卧苔碑沒字，支木屋無扉。
古佛蛛牽網，殘僧蝨滿衣。
空門亦與替，小立弔斜暉。

渡太湖登馬蹟山

元氣混茫間，雄觀上碧孱。
無邊天作岸，有力浪攻山村。
暗暢梅樹津，開苦竹灣。
離家纔廿里，垂老始躋攀。
地是夫椒舊，兵戈久已戡。
漁歌秋水杳，人影夕陽高。
放鴨船通港，浮龜石激濤。
何當一椽築，晏坐息塵勞。

唐詩
舟

東寧露坐

浴罷渾無事。東寧候月明。涼生秋有信。濕重露無聲。蛙
鬧當更鼓。螢多似火城。野夫閒富貴。或謂勝公卿。

野泊

野宿依叢葦。寥蕭水觀澄。疎砧秋巷杵。遠火夜船燈。暑
謝平頭扇。涼催半臂綾。倚舷趺坐久。纖月吐微稜。

四月初一日營葬事於馬蹟山禮成敬誌三律

頻歲喪窀穸。今纔構一阡。湖山傳馬蹟。塋兆得牛眠。丙
舍營猶待。瀧岡表僅鐫。可憐安厝日。已是服除年。

多謝術家言。佳城陰後昆。敢因藏父母。更想福兒孫。祭

掃編家法哀榮紀 國恩他年吾刑葬死亦奉晨昏

色養慚多缺惟茲地頗佳神靈應陟降山水最清華或
可垂千禩何須置萬家惟期一廬築終日誦楞伽

爲長兒娶婦

五十始稱翁今朝喜氣重何時畢婚嫁從此學癡聾花
燭粗成禮門楣黃亢宗朝衫吾久疊一爲啓塵封

贈蓉龕

前輩風流在吾鄉只此翁無錢偏作達每事必求工且
饌常留我論詩輒憶公何當一爐火相守歲寒中

莊蜚英同年索詩戲贈

國才言金
里社尋同榜南華有散仙居官甘下考娶婦已中年食
是書中粟歸無俸外錢曾嫌折腰苦偏折鏡臺邊

生事

生事漸蕭然年荒剩石田薪燒連葉樹飯待作碑錢
少將兒使家空恣犬眠微聞奴僕話列鼎服官年

屏跡

屏跡無塵事空庭綠滿苔杜門閒客散攤卷古人來
茶澹大團月琴彈小忽雷經旬少詩思或待牡丹開

好句天成丹

太湖口守風

泊舟羅步港風勢正喧
厖白浪無人渡青山似馬來
野香花信報春色燒痕回
隱隱祥符寺遙聽粥鼓催

堆傑

村居

門掩綠蘿陰團蕉晏坐
深新詩多杜撰舊帖有唐臨
不管飢腸吼惟知抱膝吟
家人竊相笑黃蘗下彈琴

咏史

食椒能幾粒八百斛猶貧
枉署摸金尉先爲入草人
但知烏攫肉豈悟象焚身
何事狂奔者依然覆轍循

納涼

盆池新浴罷雨過淨遙空
霞色隨孤鶩秋聲在一蟲
移

牀風過處捲幔月明中晏坐生禪悅此懷誰與同
坐久渾無暑濛濛露氣侵殘燈三鼓暗斜月半牆陰人
老如秋到詩成已夜深虛堂清不寐一再撫瑤琴

連日飲晴嵐家賦贈

良晤連旬日深叨地主賢家多佳子弟身是老神仙杯
續過牆酒詩成湧地泉晚香風味好正在菊花天

哭蓉龕病歿杭州

鄉邦年最宿臺館職皆清老尚好丰采貧偏富性情琴
樽前輩韻月日後生評何事西湖去俄驚笙鶴迎

漁梁驛韓蘄王擒劉正彥處

地險漁梁驛狂酋此擁師雖非大敵勇正值小朝危
戰無遺寇偏安有始基江流千尺岸故跡令人思

建陽市謝疊山賣卜處

出亡悲故國忍死爲哀親托業重三卦埋名陽九辰滄
桑交象變薇蕨課錢貧始資成都市垂簾是幸人

食荔枝

百顆新登市無煩驛騎馳肌膚姑射白風味玉環肥頓
覺清芬溢先令暑氣微老夫情不禁爲脫絳羅衣

廈門大風望海卽事

海聲連日吼颶母發狂颶信有水皆立兼疑山亦搖樓

國才言金
船依古嶼烽火隔秋潮安得鞭驅石排成萬里橋

食江瑤柱

荔支曾飽啖瑤柱此新旨味美勝熊白形潛似蠣黃孤
撐非獨骨相倚有連肪口福吾滋愧居然服玉方

冲祐宮

水複山環處琳宮絢彩霞路疑毛女洞地是羽人家丹
竈鎚銖火茶經粟粒芽何當息塵鞅晏坐讀南華

抵家觀菟渡

一載參戎幕今纔返釣游幸非歸馬革猶及看龍舟簫
鼓喧河市烟花時水樓故鄉終竟好只合老菟裘

張荷塘明府訪余揚州不值留詩集見貽寄謝
枉訪偏相左瑤編荷見貽官爲強項吏詩比折肱醫聲
氣三生癖江山六代奇何當遠來謁各慰十年思

瓜洲江上遇欽齋制府歸樞哭之

告別纔春夢哀音到及冬勤勞軍事歲贈郵

主恩濃身遍八州督官還五等封

恩旨給
還昭信伯

飄飄丹旆返

江上泣相逢

胸次有千卷目中無一人面常寒似鐵髻已白如銀料
事洞觀火防奸濕束薪曾師張太岳或果是前身
人情憎貴儂

帝眷鑒精誠久擁八綉唱頻驚五鼎烹

公雨入 詔缺

賜環無

喜色仗節又威聲海國終資奠功收赦孟明

臨分尚留客為未了儲胥失我渾身膽催公發背疽

公以 背疽

歿歸艤長路冷贈賻故交疎何限存亡感憑棺一慟餘

吟薌歿於京邸其子孝方扶柩過揚廿年老友遂

成永別憑棺漬酒不自知涕之無從也

歸樸來千里嗟乎我瘦銅

君改 字

神清如叔寶詩峭學涪翁

借隱言猶在聯吟願竟空長安重回首曾共一燈紅

久趨薇省直終乏草堂貲死有飛蠅弔生常借馬騎又

停方朔米誰斲蔡邕碑稍幸名山業刊成廿卷詩

聚散真難測交深會忽慳幾年同硯席一別邈河山官

閣論文罷蠻江送客還豈今纔永訣廿載隔容顏

余在廣州時

來數月別後

遂不復見

寄晴沙

露冕猷方壯循陔跡早還詩兼雙井派家傍三泉山雖

覺顛毛白猶欣綵服斑遙知色養暇瀟灑有餘閒

我亦離塵事深愁染素絲早為鴻羽漸恰共虎頭癡問

雨隨農父臨流作釣師江湖須我輩歌咏太平時

舒城有感於周公瑾道南推宅事

一見心相許交深意氣中霸圖初草朔年少雨英雄名

已君臣定情真骨肉同道南何處宅千載想遺風

夜宿棲賢寺

一宿招提迥止空夜更清餐分僧粥淡光借佛燈明呼
吸總雲氣夢魂猶瀑聲人間惟此境寂寞少人爭
到此絕塵慮兼忘陟險勞不眠同佛醒無語覺僧高月
影空庭藻松聲半嶺濤清遊恐難再題壁一揮毫

岳母墓

岳侯茲負土千載塚嶙峋好母生賢子忠君即孝親
榘霞翻裊席防墓幸鐫珉應慰劬勞意祠官尚薦蘋

問之寺僧今尚

祭于

官

庾樓

危欄瞰無地千載庾公樓
吳楚天南界江山國上游
已無塵汚面尚有月當頭
想見賓僚讌新亭笑楚囚

送億孫入京補中書

是我歸田歲看君出仕纔
釣遊雖雅尙館閣正需才
著述成家久江山攬轡來
秋風方颯爽十幅布帆開
舊德尚書重華資學士
清龍頭家故物鳳沼宦初程
暫草綸扉制行題杏苑名
烏衣門第在待爾振英聲
薇省吾曾直歸耕跡久違
紗誰籠壁字笥已疊朝衣
去國桃千樹流年柳十圍
巢痕想如舊回首五雲飛

國士詩金
鄉國稀同調惟君結契深文章千古事甘苦兩人心此
去關河阻吾衰歲月駸尙能重見否不覺涕沾襟

報恩寺塔二十四韻

傑構崇千尺前朝一刹竿事因慚德起財以報恩殫欲
借莪蒿感聊瀦骨肉殘天開新宰堵地鎮古長干戰伐
矜餘力莊嚴出大觀輪蹄精衛運埏埴女媧搏遂羸浮
圖峻平臨象緯寒九層危折屐萬堞俯憑欄采棟霞連
紫琉璃日耀丹江山窮遠日金碧駭飛翰勢極凌虛迴
玉丸入細難瓦紋浮翡翠石質琢琅玕梯級千枕轉龕
燈百盞攢綺疏雲錦繡畫壁海波瀾累臂衣無縫巧墻

額豈癡是誰都料匠幾費管勾官想見尖初合爭諛績
不刊幽寞資薦福靈爽慰貽安不有捫心愧焉成仰面
看直思欺佛慧豈果得親歡世已更碁劫基猶鞏石磐
天樞唐折柱露掌漢傾盤獨此雄都會常教聳戒壇唯
應歸佛力恩怨總無端

可型內弟自甌寧罷官歸慰贈

出宰纔三載匆匆似掛單腐儒爲吏拙貧宦事人難贏
得顛毛白聊嘗荔子丹多君瀟洒意甌破不回看
只道琴堂好全家可食租翻無臺避債幾置獄追道劉
寵錢能幾平原來孰輸妻孥滯甌越典賣到夫吳

憶會官浦上頗耐廣文貧臺有歌風蹟門多立雪人至

今思牧蓄轉覺勝勞薪諫泉多回味知君念肯因

賴有西江濶能噓涸轍枯合極合州牧印金在
實數千金始得歸始知家孝友堪

共命艱虞祖父遺風厚詩書食報劬得歸聊慰意先業

本寒儒

遊高旻寺贈清涼上人

來往頻年數禪關總未登誰知三寶地獨有一詩僧定

力降魔杵圓光禮佛燈從今已公屋每過好支藤

瓶拂安心處烟疑篤擣香稱詩才子氣持戒少年場芥

孔須彌座鈴言替戾岡神通羅什大開口喫針鉞

最昇禪堂寂團蕉證淨因結趺成出偶緘口豈金人柳
或將生肘花應不染身出家殊太苦吾不羨修真步觀衆僧坐禪
船馬交馳處中藏地百弓始知虛室白能隔軟塵紅身
已安單穩才仍出世雄繙流三百輩齊守本師風

寓西湖十日雜記游跡

足跡半天下西湖夢每牽有山皆老樹無地不清泉昔
到曾三度重來又五年扁郎如舊識迎我瘦筇前
居停借禪榻攬勝有湖樓才退無佳句年衰只近遊地
蓮衣帶水路穩木蘭舟來往從今熟思爲結夏謀
不有空王力湖山孰別搔半千列羅漢百八吼蒲宇寺

大魔妖伏年深檜栢高
儒家空誘佛安有此雄豪

孤山好材館丹碧映清漣
暮竹無出鬼春祠有水仙馬

蹄芳草路人語綠楊煙
遙想逋翁隱當時尚未然

雨霽波如拭拏舟夜正中
天心孤有月水面四無風此

地真離垢吾身已付空
始憐塵土夢向日未消融

昔人論勝賞水木足清暉
泉有源方活山無樹不肥湍

流喧石瀨濃翠暗林霏
此景惟靈隱何須侈鷺飛

南海梅檀像西天梵唄音
寺因閱世古佛亦借山靈齋

粥僧千指香錢歲萬金
是何津筏力天福到如今

雲樓吾未到年此踏芒鞋
十里入深竹一菴依峭崖齋

規平等法物放生脾何許蓮池老空門另立階

送客風篁嶺談深不覺遙遂令龍井寺遠配虎溪橋韻

事成千古清泉尚一瓢辨才安可得依樣亦難描

憶年迎鑿歲湖山渲染頻至今亭館舊非復畫圖新

鐵點無靈術金剛有壞身佛仙俱望幸何況是齊民

德生庵夜坐

晏坐佛堂深燈殘漏欲沉上方清淨地獨客寂寥心賊

不偷春夢鬼能聽夜吟是夕有所湖光微閃動弦月上高

岑

題余伯扶孝廉黃鶴樓圖

崔顥題詩處危磯最上頭。千秋猶傑句四海一高樓。後世才誰敵先生興獨游。遙知豪氣溢俯瞰大江流。

遊焦山贈巨超練塘兩詩僧

孤嶼中流矗扁舟。一纜維有天無地。處過暑未寒時乍到。漸生客相迎。有導師盛旋雲磴。迺百級此探奇。

境與世相隔滄波四而澄。山如隱君子寺有好詩僧說。

法神魚舞安禪怖。鷓憑天親與無着相對一寒燈。

蒼耳寧愁墮相隨。杖錫飛江清天作底。山瘦樹爲衣藥。

物尋黃獨鐘聲出翠微。尙嫌浮玉俗丹碧。耀禪扉。

山深絕塵跡。禪侶似璵璠。虎草茁知更歲。花開必作詩幽。

居憑鑿翠韻事出披緇享盡清閒福叅寥不自知
頻歲思探勝勞勞未得閒始知一塵海錯過幾名山衰
老遊纔果登臨力已孱何當來結夏長共掩禪關

西干故里

野景農家好西成候薄寒晚風牛背笛秋水鳴羣竿山
樹紅黃綠村醪苦辣酸年豐民氣樂相見勸加餐

祥符寺

地擅夫椒勝重來杖策登秋山黃葉路古寺白頭僧穉
稭古高廩琉璃續慧燈前朝留梵莢籤軸至今滕

寺有宣德中所

頌全部
藏經

澄心

澄心觀物化空翳掃無痕身具小天地名逾賢子孫老
猶薑有性貧幸菜餘根鎮日安跌處禪牀坐欲温

課兒輩

衰老無堪述清貧詎有貽惟將前輩事說與後生知家
法恬侯傳官箴聳叟詩籛金定何物徒益汝曹癡

渡江

復此橫江渡荒郊落木時關山秋滿眼風露曉侵肌白
小鮮宜汁黃團膩有脂豐年光景好比戶總恬嬉

一棹滄波晚孤征未息勞江聲連日壯山骨人秋高路

熟輕風浪年衰感髣毛往來何僕僕慚對廣陵濤

夜泛

清游趁良夜風露罨吟身天遠似連地月高偏傍人塵
氛一以淨詩境此焉真何處漁歌起寥寥古渡濱

時交夏至久晴難以翻犁地方有司亦斷屠祈雨

忽甘霖連至喜而有作

好雨如償券平疇待插禾世無郇伯久天怕杞人多早

聽驅秧馬寧嫌長麥蛾

麥蛾生蛾

先生聯耕慣亦且試青簑

揚州寓齋椿樹一株高五丈許數百年物也夏日

納涼了無暑氣作詩記之

檻外靈椿古繁陰五丈橫雨來無濕地夏至已秋聲借
蔭當張蓋驅炎省搭棚八千春最壽老愛此佳名
靜中觀物理似爲便衰慵紅日將增暑綠陰亦漸濃因
高多宿鳥無艷惹游蜂晚飯經行處盤桓當撫松

傳文忠公以子嘉勇公勲封郡王追贈公如其爵

江鄉故吏恭閱邸抄之國恩私誼感涕交頤敬

成四律

濟美分茅土追崇朔構堂相門兼有將異姓特封王不
數韋平盛真看帶礪長褒忠

恩命極誰不涕沾裳

曠古真希見桐封累代榮世家蕭花府

遂支帝氏世唐北府宰相之選

王儼

李西平懋賞頒金策崇勲勒鼎錙豈真因子貴公自有

忠貞

廿載黃扉地從容退食遲當時初不覺今日有餘思長

養人才出調和國脈滋昇平論相業主組本非私

遠附王門瑟殊慚越分嘲六年東閣吏兩世北平交喜

聽生新龍詰重懷舊燕巢受恩貧賤日此意總難拋干

渡江

又指瓜洲渡輕舟狎暮濤江山長不老名利兩空勞柏

喜張帆穩寧誇擊楫豪前途有蘭若一訪遠公高

謂居士高錡和尚

老去要知止夜行殊未休已拋文字蠹猶作子孫牛大
夢誰先覺勞生敢自由漆園應暗笑夜壑苦藏丹

治病

壯健殊無疾俄驚體不康刀圭纔下藥癰疥欲成瘡誰
覓三年艾徒炊白沸湯及今猶可治急選國醫良

夏寒

正當驅暑候偏怯薄寒時夏日翻堪愛秋風似預支自
因水氣盛枉負樹陰垂絛扇何須怨裘還六月披

蘇州元妙觀登三層樓

傑構雄都會重簷碧落邊地離天不遠道與釋爭傳紫

極宮垣峻青冥殿榜懸侈功窮土木壯觀奠山川
懸俯王尋樹香連萬井烟獅林人僅寸虎阜塔齊巔
玉座三清像瑤臺八洞仙圭裳斑肅穆旌旆勢飛
騫岳瀆羣神雷一氣旋猶龍宗派遠鳴鶴咒符
先科律黃冠習威儀繡祴翩八琅天樂曲七宿斗
壇筵丹篆雲霞古金莖沆瀣鮮降魔椎作杵送鬼
紙爲船別有披簔客相傳脫屣年宋何立肉
身尚存東牕看鼎鑊下界棄蹄筌地以仙靈著
人彌信嚮堅神都增賜蠻佛刹遼喧闐萬乘巡會
駐三元會共虔周廊千步地列肆百區厚祝卜筵
篤集遊觀履易駢種桃詞客句賣藥道人錢我

丹梯級來繡綠字箋市聲囂不到天鎮咳相連眼廓三
千界胸羅廿八躔置身霄漢上已覺斷塵緣

湖海

湖海生平氣徒悲兩鬢蟠作詩新意少入夢死人多薄
俗羶螻蟻虛名疥駱駝何當一藤杖空谷老烟蘿

讀杜詩

杜詩久循誦今始識神功不創前未有焉傳後無窮一
生爲吝恨萬古出羣雄吾老方津逮何由彘穀中

用白傳虎邱寺路韻題思白堂

虎阜東西寺詩仙載酒頻

時八稱公爲詩仙
見百唐書本傳

至今遊賞處又

有表彰人地較匡廬麗園更蔣徑新名流護名蹟應與
共千春

杜蘇鐙脚峙靈爽往來頻恰比三游洞何須九老人山
川今視昔亭館舊翻新懷古情何限年年此地春

述菴司寇竹汀宮舊過懷村閣寓齋小集

舊雨一朝集欣聯李郭舟若非憑勝地安得召名流幸

脫龍蛇厄

子才西莊皆以巳年下世

同爲笠屐遊山塘人已說好作畫

圖畱

館閣青雲契林泉白髮年相逢非偶爾欲別輒凄然况
是鶯花地而當櫻筍筵一尊同話舊能不重流連

春蘭禁體和呂叔訥廣文

霜雪亦青葱春來發幾叢有香羣草內無色萬花中粉
氣薰常借鉛華寫未工幽人憐臭味最喜素心同

吳下諸生聞余至多以詩來謁頗費應酬率賦

偶此成流寓何期戶屨盈我慚無實學人尙愛虛名豈
有傳衣付殊勞倒屣迎此邦風氣好前輩肯心傾

棲霞訪竹濤上人不值畱贈

高旻推上座

繼公
弟子

車錫到棲霞佛土重開境僧詩一作家

喬松雲氣古奇石浪紋斜採藥往何處遲余過午茶

四哀詩

前五哀詩皆於余有知遇之恩故記述稍詳而
同輩中文字性情之友已歿者尙有四人各記
五律一章爲四哀詩

杭白峯秀才

老數平生友終推舊學真
賭文期必勝規過或相嗔
冷淡黃螿飯癡狂白眼人
傷心一衿死畢世未肩伸

張瘦銅舍人

京邸畱君住寒酸共芋羹
劇談千古識奇氣萬人英
校

試遺方叔

丙戌余分校春闈而君下第

歸裝薄陸生

君訪余廣州愧盡愧未能厚

生平慚負

處畱取卹孤憐

會嗣孝門等皆貧苦

家璞函主政

獻賦登華省

欽試取中書

從戎死戰場

始本果木之難

與余同氏族愛爾

好篇章滇帳言千縷

在滇從軍與余同帳

黔郵淚數行

君隨溫將軍人蜀過余威寧官舍握別

豈知成永訣目斷蜀山蒼

徐秋園別駕

空味皆恬淡風塵早息肩
同為林下客時掛杖頭錢
游歲昇平世消磨老大年
祇今誰伴我顧影一淒然

接同年李雨村觀察書乃嘉慶二年十一月朔日

自綿州封發兼附雨林詩話十六卷採拙詩獨

多感賦四律寄答

不見李生久。今朝接寸箋。來源經萬里。到已歷三年。想
像鬢眉老。傳聞子弟賢。京華舊遊跡。振觸一燈前。
天各一方遠。年皆七秩餘。料無重見日。但望再來書。豪
氣應猶在。交情故未疎。採詩偏我厚。百首累抄胥。

此書前歲發蜀土。尙無虞。豈意魚鳧國。今成豺虎區。可
能扶老杖。當作辟兵符。莫是將軍號。真教展壯圖。

君京宦
日人呼

爲少季
將軍

得信知君在其如。寇禍侵遙知。驚夜火不敢嚮。秋砧契
闊同年面。迢迢兩地心。憂時兼憶友。不覺涕沾襟。

甓社湖隄守風

秦郵方掛席，筦社忽停舟。
鬱怒風成塊，狂翻浪出頭。
不圖險有此，自笑老何求。
漸覺寒威重，呼童檢敝裘。

馮涇道中

間道出江郊，舟輕水不膠。
一條河路暗，兩岸樹陰交。
枯火有時閃，漁榔何處敲。
幽栖須地僻，安得此誅茅。

不覺

不覺喟然嘆，蹉跎愧此身。
無窮千古事，只作一詩人。
炳燭空勤夜，栽花已過春。
茫茫天地內，斯意向誰陳。

秦望山道中

秦望山邊路，冬寒水落槽。
蒲編包籠賤，石築堵牆牢。

地產蒲包

過斷船搔背本成語燒荒地燎毛鄉邨淳朴象真可隱東皇

為偉兒得葬地於金壇夏蕭邨感賦

頻年謀葬子今始得佳阡地近三茅叟名傳八洞天踈

十餘里山光畫屏上民俗結繩前窀穸於茲定應無憾九泉茅蓬

久不音容接孤魂若箇邊忽欣來蝶夢恰報得牛眠卽

抵筵尊卜堪營堂斧堅佳城得安厝倘廕子孫賢數年來見久不

入夢是夕忽夢見之而買地成券之信適至

暑雨

暑雨今年劇天容潑墨圖頽雲張破敗重霧呂糊塗敢

厭泥行滑聊欣稻把粗江湖無國事惟有頌多稔

衰態

衰態今年甚精神恍惚看燈前敲石火飯後問朝餐客
厭言辭複僮嫌服侍難只餘詩興在亦漸少波瀾
也識書何味徒虧目力微因之姑舍是忽又悵無依食
蓼蟲雖苦搬薑鼠豈疲笑看殘帙在吾與爾同歸。

借立庵瑩溪艤舟亭看辛夷花

玉蘭開一樹雪髻坐三翁頭似爭花白顏須借酒紅流
連遲夕照笑詠答春風亦自成清賞何嫌地百弓

不寐

一夜難安枕初更到曉烏撲蚊翻擊額搔蝨至傷膚我

豈有羶行渠偏善。鴛趨茫茫天地內。此輩詎勝誅。

好雨

好雨栽秧早。纔栽雨又添。人工天總代。秋稔夏先覘。濕
壓青蓑重。勻浮翠剡尖。江南真福地。穩放老夫潛。
已驅秧馬遍。寧藉土龍求。狂吠增田蛤。閒眠到水牛。勞
皆忘襪襠。兆已卜車籌。并省豚蹄祝。天心亦太優。

南村坐雨

幾○被○老○天○吞○雲○濃○裹○一○村○懣○雷○聲○在○甕○怒○雨○勢○翻○盆○啼
怖○兒○收○淚○奔○追○客○斷○魂○忽○然○風○一○掃○夕○照○又○當○門

夜坐

初夕無纖月中庭坐露華繁星紅似沸穹宇碧無瑕派
說支機石誰乘犯斗槎稚孫誇數典騙我劈涼瓜。

早起

趁涼貪早起剛盡五更天月出衆星後鴉鳴百鳥先荷
鋤農適野打鼓客催船忽憶東華路車塵已似烟

毒暑

毒暑今年甚當空煽赤烏人將投炙甕天果作洪爐毛
竅珠拋汗癩根粟突膚何當縮地法遁入水晶壺
酸摩天未到烟瘴地猶輕犬舌喘長吐鳥吭噤不鳴劈
瓜童競奮揮扇僕頰更忍念夏畦苦頓教心太平

王仲瞿孝廉見過

樂事偶相值非關步履尋良朋來不意好句出無心便
覺煩襟豁能消俗累侵黠奴知款客早備一壺斟

老鈍

老鈍人皆棄孤行我自尊門庭無過客城市亦荒村緩
步但三徑小詩多五言草花栽滿地聊復當名園

一室

一室澹無事寂寥性所耽丹砂祛姪女

白香山燒丹詩
姪女隨烟飛

黃面

瞿曇落想到非想常談見不談惟將本來質受和保

初甘

曉起

寒深夢易醒曉起步莎所屋瓦霜千片爐灰火一星暖
胸浮大白療眼點空青只苦閒難耐明窗晝治經

閩粵間有所謂天地會者為匪徒結黨名曰余客

閩時已聞之日久益熾今閱邸抄廣東博羅縣

會匪之在羊糞山者不下萬人據險結寨將為

不軌總督吉公慶提督孫公全謀調兵勦殺追

至羅浮山之華首臺冲虛觀諸處生獲賊首陳

燭屐餘黨亦盡殲洵奇功也喜賦

是我會遊處天南好澗阿

余官粵時
普遊羅浮

誰知仙佛地竟作大

羊窩幸未蔓延出欣聞草薙多梅花村在不知剩幾殘
柯
憶昨荆巫亂初猶易撲蚊只因堅壁守遂使燎原焚縱
有全收局何如早奏勲偉茲功拙速省得歲調重

風氣

靜裏觀風氣遷流有疾徐何當人滿後迴憶我生初物
價市三倍人情鬼一車城多新樣髻容有不時蔬崑曲
更絃索京靴走里墟戲場千步埒神會八摑輿賣菜傭
求盆牧豬奴善擣飲坊喧夜肆遊舫泛春渠翡翠鑲花
鈿玻璃之網疏厨羹窮雉兔燈事舞龍魚馬妓龜猶弔

國朝詩金
雞姬髮始梳但貪嬉燕雀曾未識犁鋤身計傾卮漏時
趨竭澤漁官箴嚴簞簞吏竄橫苞苴白望興無賴宋提
姪有餘甘鈴強好劫汶芋富愁狙俗已囂難靖憂將溺
載胥不知從此後流極更何如

送邑侯高松亭調任宿遷

六載循良績賢聲浹萬家猷爲兼有守悃幅更無華民
已相安久君無別望賒如何留不住忽駕北轅車
徐泗殷繁地端資治行高官應從此貴心又一番勞郵
傳連三省漕渠過萬艘精強原素慣游及亦堪豪

河決封邱岸邦險剝膚地纔離咫尺家不損銖銖

河決封邱距君家
纔三里全家無恙

昏墊災寧擇神明理不誣部民間喜信此

戶總歡呼

名已封章奏知難借寇恂去思今始見公論久逾真民
擬祠樂社君猶念趙人相期遷五馬重布晉陵春

季女出嫁

恰了向平願應償五嶽緣只憐婚嫁畢已近耄期年力
怯登山屐費慳掛杖錢惟應彷彿宗炳畫壁看山川

山茶花開卽事

節正改新火火珠駢故柯滿城一樹獨老榦百年多燄
奪燒丹赤光增醉酒酢倚闌相映發不用障紅羅

草草具盤格美名。援戒奢也。知晶毳飯不稱。曼陀花無。

酒望鄰富。

味辛自攜佳釀就飲

有花貪客誇。後期還預訂。已茁牡丹。

芽

偕葉保堂秀才遊楊舍城外顧氏廢園

平壤無山水為園。仗樹多喜茲。三畝地竟有百年柯。矮

柏臂旁攬高藤尾。倒拖稍芟蕪穢去。亦足寄清哦。

桐山齋中杜鵑花二十餘盆皆貴種。每開時必治

精饌召客。今歲又邀同諸公。讌賞即席賦謝并

索諸公賡和以張之

開應鶉啼候。幾疑血染濃。種殊山躑躅。色壓木芙蓉。移

豈鶴林幻蟠爲雁埵重

旁枝盤曲作三四層似埵

主人真好事歲費酒千

鍾

共入三三徑來看七七花
頓驚丹竈火欲賦赤城霞
况有牛心炙兼烹雀舌芽
奇葩與精饌使我醉忘家

春遊

春好惟三月追歡要及時
花繁紅鞞鞞天淨碧琉璃
尙少流觴會何嫌步履遲
路旁人暗笑此老又尋詩

送人赴黔

因君遠赴黔歷歷憶郵程
地有萬山險天無三日晴
趁墟甯酒擔跳月竹枝聲
都是奇聞見應供琢句成

夜泛

娟涼貪夜泛。坐久露華凝。涼退秧皆補。膝翻芋已登。蛙
如助街鼓。犬不吠船燈。何必深宵寐。原無事夙興。

外孫金阜京闈發解喜賦

喜聽星郵報。賢書捷鹿鳴。恰成吾宅相。早決汝科名。阜

冠有才余決其遠到妻以孫女 辛苦三條燭。飛騰萬里程。渭陽推自出。亦覺

有餘榮

鄉科年似我發解亦京闈

余年二十四舉京兆試阜年籍俱回

敢詡傳衣付官

乘破竹機遠書烏鵲喜。暖浪鯉魚飛。一第應連掇。期登

鰲頂頭

於之試卷進皇第一後改第三大

神筆大心者歎然故以此望之

麥大熟

麥稔今年最香雲萬頃黃
兵驚盈尺穗已抵半年糧市
餅邊增潤屢禾價減昂瑩中
誇飽食竟欲傲朝堂

驟雨

驟雨不成寸狂飈又掃空
未蠲消渴病差有解煩功
瀟隱暫停癢眼昏忽豁蒙
那堪簷溜乍復見晚霞紅

咏物四首

蓮蓬人

出水亭亭立形容老更奇
高同三方品

松竹梅

豔改六郎姿

蓮步寧初學荷衣本舊披
得邀君子愛儕輩故難隨

鯨魚鶴

強合飛潛性能令臭腐神姓丁非故我去乙是前身不
藉胎生幻居然羽化真出波纔幾日便欲吸青旻

掃晴娘

佳人執箕帚勝挽魯陽戈豈比曝巫女檀弓真成乾嫫婆

舊唐書掃寧先灑水步亦戒凌波何用紫姑卜明朝霽景

多

不倒翁

但稍煩人力登盤便有神場中胡旋舞陌上踏搖身糊

紙頑何厚封泥足未伸掉頭渾不止絕似醉吟人

又鯨鶴一首

海濶天空境升沉倏兩分腥聞雖鮑肆骨鯁肯雞羣似
蛻蟬餐露非池鯉躍雲漫疑鳶站水浪泊去求勲

雨望

一兩人心定霖甘不厭多遠難辨牛馬沛若決江河已
遍高低地寧分早晚禾天財千百萬盡散作恩波

謨覽二孫俱就塾識字喜賦

又見童孫兩相攜就塾師文須先識字昌黎語老正藉含飴

莫悞陳山可休訛杜十姨方名雖小學九仞此初基

正屈插秧經旬無雨夜寐忽聞淅瀝聲以為甘澍

五也起視仍月色滿庭感賦
四更聞淅瀝夢醒適然驚百物有生意多時無此聲豈
知膚寸合仍是耳勞鳴急起開窗看依然皎月明

喜雨二將財原壘滿字喜賦

膏雨來何暮民情望欲窮
苗枯猶待救河斷漸能通
破夢驚簷溜開屠沸市訶
可憐農已憊力盡桔槔中
潤難期沃若曠暫解焚如
田吠猶無蛤廚烹漸有魚
頗聞官糶賤敢望佃租輸
胼胝民勞久聊堪歇踏車

閱三國志蜀向朗仕諸葛丞相長史免官後優游

無事垂三十年潛心典籍年踰八十猶手自校

刊開門接續誘納後進但講古義不手轉事人
皆重之余出處踪跡頗似之所不及者官職聲
名耳昔東坡慕香山謂生平似其為人收詩中
屢及之然晚途尙有不同者不如余之與巨遠
無一不相肖也爰作詩以誌景附之意
望古尋同伴私心孰比倫子雲期後世向朗是前身
已千年隔踪如一轍循葫蘆依樣畫尙恐未傳真

節目

百草皆蕃廡緣知暑已深荷花高出岸葵葉蔚成林
自

株皆高
二丈徐
閒處驗生趣靜中生道心向來嫌理學此亦舞雩

吟

俊兒隨侍久詩學日進喜賦

客邸相隨久詩功喜日新老年無樂事家學有傳人何

必金籛富惟愁腹笥貧滿門紈袴習吾更與誰親

近日作詩多用金玉字書以一笑

玉白金黃色非真亦壯觀老方嚴戒得窮僅免號寒漫

拾殘牙慧爭噪至寶丹貧兒殊淺露富貴在毫端

詩壽

毫齒尊鄉黨虛名主玷壇苦吟三折臂強飯一加餐世

要詩何用人惟壽最難有詩兼有壽敢復歎衰殘

活計

活計銖銖積堪資一笑哈死何妨速朽生不食嗟來北

海文為富

侯鯖錄李邕碑八百

東坡儉養財

清波雜志東坡食不重肉云惜費以養財

如今亦

遑恤且醉眼前杯

秋分後天氣已涼忽復大熱

秋冷復驚暑渾疑節候差幾如同馬箭仍障辟蚊紗白

落荷無瓣黃蒸菊有華笑同新米價已賤又增加

近日事

喜晴

累月春寒重陽和今乍回藥苗

芍藥

偷眼長珠藥

寶珠山茶

嘔心

開一氣同噴薄天工不剪裁靜觀多妙理小憩步蒼苔

五月望後正在插秧大雨連日夜不止喜賦
 天似防人憾栽秧雨遍濡孽猶聞潑刺耗益視糊塗
 廣逾千里新陳接二圃老農勞亦喜今歲又多稔

憎蚊

豈不愛他命其如嗜我膚嘴微偏善刺聲隱更能呼物
 埋有相殺王鈇所未誅化魚身喂衆吾不學浮屠

如來身
化屠竭

魚以肉喂衆人
見洛陽伽藍記

口暗

作文須識字

昌黎詩

老眼欠精明尚擬攤書課幾同潑墨成

之無非姆教

香山生七月
識之無二字

何况豈人名

鄭以偉入閣票言以何况
二字爲人名見明史本傳

所得雙眸眊糊塗過此生

高年

天說高年好高年敢自尊與誰談舊事舉世厭陳人詩
已寒蟬噪心猶尺蠖伸桑榆留暮景珍此歲寒身

宵行

旅跡孤無伴宵行限有程嘯聲何處鬼村影尚非城足
倦塵嫌重衣寒翻覺輕何當一甌粥燈火候深更